



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 118. Quia non novi hominem. v. 72.

urn:nbn:de:hbz:466:1-45515

non vult coniux, veniat ancilla. Vere Homo ista scribens aperta erat porta inferni. O humanæ infirmitatis exemplum, qui hoc scriptus fuit Monachus, fuit Fr. Martinus &c, qui se igitur existimat stare, videat ne cadat, quis enim ad tantum lapsum Petri, Lutheri, Calvini &c humiliter & cum sui diffidentia non incedat? quis bonis fidat affectibus? O Iesu ne me uuqniam verbis aut factis te negare permitas, vel mentiendo & multo minus iurando sine veritate, reverentia & necessitate.

§. 118. *Quia non novi hominem, v. 72.*

Petre, Quid dicas? non novisti Iesum magistrum tuum ad quem te adduxit primum frater tuus Andreas, &c qui è mari vocavit te postea cum fratre tuo Andrea pescantem, & quem relictis omnibus fecutus es? & à quo in pescatorem hominem es promotus. non novisti magistrum cum quo comedebas panem azymum triennio & agnum paschalem, ad mensam eius accinctus baculum in manu tua? Quis tibi lavit cæna in ultima pedes? nonne ille magister tuus? qui & tibi renitenti dixit, si non lavero te non habebis partem mecum? & tu adhæc, non solum obtulisti ei pedes sed & manus & caput, an nos post cænam te sumpsit secum in horrum, an non ibidem obdormisti ipso orante, & rediens ad te tertio, ut vigilares etiam admonuit, quia hostis appropinquaret? an non adventante eodem hoste gladium extraxisti in eius defensionem? dic quæso, mi Petre, quam ob causam venisti huc in atrium Pontificis? quare tam diu hic moraris, in frigore, inter turbas militum, nonne ut fidem datam Christo servates; & videres finem eius captivitatis? Cur igitur modo frangis fidem, & promissionis quasi oblitus, dicas: *Quia non novi hominem Magistrum & Dominum meum, & hoc cum juramento!* ad quam insaniam venisti? ut quod sole clarius patet & probe nosti, niges constanter & aperte contra conscientiam propriam, contra fidem datam, contra scientiam & notitiam publicam, quid dicas? taces, Petre dicam ego. Times, & quid times? carcerem, mortem, & unde ea times? non à iudicibus examinatus, sed ab ancillis interrogatus negas Iesum, negas te illum nosse, te illius esse discipulum, nec simpliciter sed cum juramento, erit cum eum coram Nerone & toto mundo intrepide confiteberis, & timorem illum sauctè damnabis.

Nunc ad me converto me, Domine, & aio visis his quæ evenerunt Petrum: Noverim te mi Iesu & noverim me, nec aliquid cupiā nisi te, oderim me & amem te; humiliem me, exalte te, nihil cogitem nisi te; persequear me, sequar te; timeam mihi, timeam te; diffidara mihi, fidam in te, & in nullo afficiar nisi in te, ut in æternum fruar te.

§. 119. *Ei post pusillum accesserunt qui stabant & dixerunt Petro. v. 73.*

Dum Petrus ita palam loqueretur ad ancillam in atrio, in præsentia